



1. Կուզեմ ապրել Քեզնով միայն,
Լսել Քո անուշ ձայն,
Մարդկանց պատմել միշտ բարձրաձայն՝
Պիտ գաս անպայման:

Դու՝ իմ սրտում մաքուր վտակ,
Սեր ես Դու բովանդակ,
Կուզեմ ապրել Քեզնով միայն,
Լսել Քո անուշ ձայն:

2. Երկրավորից, մարմնավորից
Ձանձրացած՝ Քեզ եմ գալիս:
Հոգևոր ու երկնային
Կյանք տուր իմ սրտին:

3. Հիսուս Փրկիչ, Ներիր Դու ինձ,
Որ ապրել եմ ինձ համար,
Պարպիր Ներսս, լցրո՛ւ Հոգովդ՝
Ապրեմ Քեզ համար:

4. Օրհնյալ լինի գալդ, Փրկի՛չ,
Խավարից ինձ փրկեցիր,
Աղտոտված աննշանիս
Սպիտակ հագցրիր: